

Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede,
infrastrukture, prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне привреде,
инфраструктуре, просторног уређења,
грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure,
Physical Planning Construction and
Environmental Protection

Broj: 05/03-19-33229-142/21
Sarajevo, 09.11.2021. godine

KANTON SARAJEVO
SKUPŠTINA KANTONA SARAJEVO
N/r Predsjedavajućeg Skupštine

Predmet: Odgovor na zastupničku inicijativu zastupnika Handžić Vibora – dostavlja se
Veza: Akt Skupštine Kantona Sarajevo broj: 01-04-33229-53/21 od 20.09.2021.
godine

Dana 23.09.2021. godine Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je od strane Skupštine Kantona Sarajevo zastupničku inicijativu zastupnika Handžić Vibor sa nastavka 41. Radne sjednice Skupštine Kantona Sarajevo održanog dana 13.09.2021. godine, a u okviru tačke Dnevnog reda "Poslanička/zastupnička pitanja, inicijative i odgovori", u skladu sa Poslovníkom Skupštine Kantona Sarajevo. Zastupnička inicijativa glasi:



web: <http://mkipgo.ks.gov.ba/>
e-mail: mkipgo@mkipgo.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1





Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Vibor Handžić
zastupnik u Skupštini Kantona Sarajevo
Sarajevo, 13.9.2021.

Dostaviti:
BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
Skupština Kantona Sarajevo
n/r predsjedavajući Skupštine Kantona Sarajevo g. Elvedin Okerić

Uputiti:
Ministarstvo komunalne privrede, infrastrukture,
prostornog uređenja, građenja i zaštite okoliša
n/r ministar Enver Hadžiahmetović

PREDMET: ZASTUPNIČKA INICIJATIVA

Poštovani,
Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Ministarstvu komunalne privrede, infrastrukture, prostornog uređenja, građenja i zaštite okoliša (u nastavku teksta – Ministarstvo) upućujem inicijativu za izradu programa zamjene fasada i krovova, koji u sastavu imaju azbest i druge štetne tvari, na zgradama kolektivnog stanovanja, zdravstvenim ustanovama, vrtićima i školama.

OBRAZLOŽENJE:

Mnogi javni objekti i objekti kolektivnog stanovanja u Kantonu Sarajevo građeni su korištenjem štetnih materijalima poput azbesta. Uzevši u obzir njihovu starost, neredovno i neadekvatno održavanje, ali i ratna oštećenja, smatram da ministarstvo treba uspostaviti novi program kojim se predviđaju sredstva i plan zamjene fasada i krovova koje u sastavu imaju azbest i slične štetne tvari. Ovaj program trebao bi u svakoj narednoj godini biti stavka u Budžetu Kantona Sarajevo.

Kao osnov za realizaciju programa Ministarstvo bi trebalo uspostaviti registar svih objekata kolektivnog stanovanja u koje su ugrađeni materijali štetni po zdravlje ljudi, te na osnovu stanja u kojem se isti nalaze uspostaviti listu prioriteta. U slučaju objekata kolektivnog stanovanja, bilo bi razumno da etažni vlasnici u određenom procentu sudjeluju u



web: <http://mkipgo.ks.gov.ba/>
e-mail: mkipgo@mkipgo.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1



finansiranju troškova obnove. Dosadašnja iskustva upravnika i općinskih inspekcija kažu da čak i kada se radi o nužnoj sanaciji zbog javnozdravstvene ugroze, etažni vlasnici nisu u mogućnosti financirati zamjenu oštećenih azbesnih ploča, jer uslovi za njihovo uklanjanje i odlaganje zahtijevaju dodatne troškove. Također, smatram da jedinice lokalne samouprave moraju biti zainteresirane za uzimanje učešća u finansiranju ovog programa.

Postojeći programi, kao što su Program sanacije ratnim dejstvima oštećenih stambenih zgrada – fasada i Program "Povećanje energetske efikasnosti u stambenim zgradama na području Kantona Sarajevo – ENESANSA" nisu adekvatna mjera, s obzirom da je osim obnove fasada, potrebno obnoviti i druge dijelove javnih i objekata kolektivnog stanovanja.

S poštovanjem,
Vibor Handžić

ODGOVOR:

Ministarstvo komunalne privrede, infrastrukture, prostornog uređenja, građenja i zaštite okoliša se zahvaljuje zastupniku Handžić Viboru, koji je koristeći svoju poziciju zastupnika u Skupštini Kantona Sarajevo, kroz gore navedenu inicijativu, ukazao na problematiku sa kojom se susreću etažni vlasnici zgrada koji na svojim objektima imaju ugrađene materijale na bazi azbesta. Bitno je napomenuti da se za uklanjanje materijala na bazi azbesta moraju primjeniti posebne zaštite kao i odlaganje izvršiti na posebno odobrenim odlagalištima, a sve u skladu sa strukom, što iziskuje velika sredstva, te navedeno ne može biti ostavljeno na teret samo etažnim vlasnicima, iako se radi o objektima koji su u vlasništvu etažnih vlasnika. Na objektima poput zdravstvenih ustanova, škola i vrtića koji nisu u privatnom vlasništvu, sa aspekta finansijskih sredstava, jednostavnija je realizacija uklanjanja i odlaganja materijala na bazi azbesta.

Ministarstvo je postupajući po navedenoj inicijativi, uputilo zahtjev svim općinama na području Kantona Sarajevo i svih 10 upravnika, da Ministarstvu dostave objekte koji imaju oštećene zajedničke dijelove usljed ratnih dejstava, a ne nalaze se u Registru objekata oštećenih usljed ratnih dejstava, te da posebno obrate pažnju na objekte koji imaju na fasadi ili krovu materijale na bazi azbesta, te takve objekte posebno evidentiraju.

Ministarstvo je nakon zaprimanja podataka od strane općina i upravnika sačinilo Dopunu Registra objekata oštećenih usljed ratnih dejstava sa posebno izdvojenim objektima koji na krovu ili



web: <http://mkipgo.ks.gov.ba/>
e-mail: mkipgo@mkipgo.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1



fasadi imaju materijale na bazi azbesta. Dopuna Registra objekata oštećenih usljed ratnih dejstava je objavljena na web stranici Ministarstva komunalne privrede, infrastrukture, prostornog uređenja, građenja i zaštite okoliša i upućen je zahtjev Stručnoj službi Vlade Kantona Sarajevo da isti bude objavljen i na stranici Vlade Kantona Sarajevo.

Također, prilikom izrade Prijedloga Programa rada za 2022. godinu, Sektor za upravljanje, realizaciju projekata i nadzor u stambenoj oblasti je predložio u okviru kapitalnih projekata i projekat Sanacija krovova i fasada na objektima kolektivnog stanovanja koji su rađeni na bazi azbesta na području Kantona Sarajevo.

S obzirom, da općine u svojim programskim aktivnostima imaju projekte koji doprinose zaštiti okoliša, za očekivati je da će se uključiti u realizaciju pomenutog Programa, posebno sa finansijskog aspekta, kako bi udruženim sredstvima Ministarstva, općine i etažnih vlasnika doprinijeli da što veći broj objekata izvrši izmjenu materijala štetnih za zdravlje ljudi sa materijalima u skladu sa ekološkim standardima.

S poštovanjem,

Dostaviti:

1. Predsjedavajući Skupštine Kantona Sarajevo
2. Služba za skupštinske poslove
3. Sekretar Vlade Kantona Sarajevo
4. Evidencija x2


Enver Hadžiahmetović, dipl.ing.maš.



web: <http://mkipgo.ks.gov.ba/>
e-mail: mkipgo@mkipgo.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1

